



**Societas Iesv Amatrix, Cultrix, Imitatrix, Christi Crvcifixi**

**Sandaeus, Maximilianus**

**Antverpiae, 1647**

100. Quò doloribus torquetur gravius, eò prolixius Crucifixum intuens, Deo gratias agit. Didacus Ruiz de Montoya, Hisp.

---

---

**Nutzungsbedingungen**

[urn:nbn:de:hbz:466:1-55449](#)

## AMATOR CRVCIFIXI

*Quò doloribus torquetur graviùs, eò pro-  
lixiùs Crucifixum intuens, Deo  
gratias agit.*

100.  
DIDACVS  
RVIZ DE  
MONTOYA  
Hispanus.

**D**IDACVS RVIZ DE MONTOYA Hispanus, summus Theologus, tam fuit à primâ ætate compositis ad omnem virtutem moribus, ut diceretur, non videri in Adamo peccasse. Ingressus Societatem omnis religiosæ virtutis fuit exemplar, orationi multum deditus; adeò, ut consueto relaxationis die prorogaret spatum orationis. Quot mensibus diem solidum sui ipsius inspectioni tribuebat. Studebat ferè de genibus, tanquam qui internum Magistrum Deum auscultaret.

Nemo eum extra cubiculum, nisi ad res necessarias prodeuntem vidit: nemo legem silentii violantem in omni vitâ: nemo vel momentaneam temporis jacturam facientem: nemo vel latum pilum ab iis officiis declinantem, quæ virum virtutibus solidis præditum, & numeris omnibus perfectum decent.

Quantus esset CRVCIFIXI Amator ostendit circa vitæ finem potissimum. Cùm enim acutissimis calculi cruciatus, quos integro quatriduo sustinuit,

torque-

torqueretur gravissimè , eos ipse tam cōstanti vultu tolerabat, ut medicos admiratione defigeret, quī posset non aliquam tam immanium dolorum significationem exprimere. Ipse autem quò urgebarur gravius , cō in gratiarum actionem excurrebat prolixius, & oculis in CHRISTVM CRVCIFIXVM conversus, suavissima cum eo colloquia instituebat.

Mortem non minus avidè , quam vitam plerique, exoptabat , hoc uno latus nuncio, si pulsus arteriæ deficeret : tunc enim verò exclamabat : O Æternitatis dies ecquando te conspicabor ! Sicque Sacramentis ad Æternitatis iter instrutus expiravit, xv. Martii, Anno M. DC. xxxii. ætatis lxx. Societatis initæ LVI.

*Litt. Hispal. Elog. Vit. Epitaph. B. S.*